

# ЛЕНИНЭНЬ КИЯВА

ВЛКСМ-нь Мокшэрзянь обкомонт ды Саранскоень ошонь комитетэнь газетаст

ОКТАБРЯНЬ

20 чн,

1935 ин

№ 112 (463)

ЛКСМ:

Б-11 61  
ЧННЬ МТАР

## Роботань стувтозь участка

Минек республикасонть самай аламо 3000 од учительть, ламо кемемень сядот од агрономт, улить лия специальностень од кадра, весе сынст ютксто сех ламотне комсомолецт.

Бути башка саемс 3-Полянень районотъ, то тосо 96 од учительть, конатне эйстэ 51 ломанть комсомолецт. Те районсонть 50-60 аволь седе аламо од кадра лия специальностень коряс (агрономт, врач, техникт ды лият).

Весе те советской од интеллигенциясь сразтневезь участка, школава ды пункта. Сынст эйстэ сех ламотне эрять ды роботыть башка-башка, ськамо-ськамо.

Кода сын роботыть, эрять, тонавтнить, ютавтнить ютко шкаст? Теде вейкеяк райком мезеяк а-евты. Алкуксонь тевсэ неть од ломантне стувтозь, кадозь сынсь эстест. Кой-конат неть од ломантне ды комсомолецтнень эйстэ. кой-канат эаочно, кудосо тонавтнить. Кой-конат жо роботыть ансяк производственной роботасост эли велесэ, предприятиясо, колхозсо общественно-полезной роботасо, улить (коть аламо) истяткак, конат ютко шкаст ютавтнить картасо налксекшнезь, винадо симезь ды лият.

Весе неть од ломантне аволь пек умок, тонавтнесть учебной заведениясо, ошсо, косо сын культурной-стэ, парсте ютавтсть ютко шкаст, кунцолокшность паро лекцият, докладт, могли кастомс эсист общей ды политической кругозорост. Тосо сын эрва шкане могли получамс точной ответт весе сеть вопроствэ лангс, конань сын бажасть содамо. Ней жо, зардо сын практической роботасост, мезеяк истямо тест арась.

Весе те должен бу кармавомс комсомолонь районной комитетнень парсте организевамс неть од ломантнень ютко шкаст. Райкомтнень эрволь бу од учительтне ды специалистнэ марто весе роботанть организевамс райцентратнесэ, периодически пурнакшномс сынст интересной постановкас, кино, лекцияс, докладс ды лият. Но мезеяк эсть тее минек райкомтнэ, сень лангс алак ванно, што тень кувалт ульнесть партиянь ды комсомолонь областной комитетнень указанияст.

Вана зярояк примерт, конат невтит, што од учительтнень (а мезь уш кортамс лия од специалистнэ-де) арась кодамояк работа.

3-Полянень районсо Тархан-Потеминской школань учителесь Понематкин. Сон мезеяк а соды седе, што ули „За коммунистическое просвещение“ газета, а ловны кодаткак газетат. Весемезь те районсонть 96 од учительтне эйстэ ансяк 7 ломанть получить газетат. Тархан-Потеминской школосонть жо ули истямо комсомолка-учительница Чекмарева, кона истя жо овси а ловнокшны газетат ды художественной литература. Истя жо а ловны газетат ды художественной литература Ачадаевской аволь полной средней школосо рузонь келень ды

литературань преподавателесь комсомолецсь Еремкин.

Райононь библиотекасонть 96 од учительтнень эйстэ ансяк 8 ломанть сайнить книгат, эйстэст нилетне комсомолецт. Характерно се, што нисшей ды семилетней образования марто од учительтне эйстэ вейкеяк а сайни ловномс книгат районной библиотекасонть, эсист библиотекаст жо, прок правила, арасть. Истя вана, 3-Полянень райононь од учительтне а ловныть газетат ды литература.

Аволь седе парсте, мик, седеяк беряньстэ, ашти тевесь учительтнень тонавтнемаст марто.

Секе жо 3-Полянень районсонть октябрынь 6-це чистэнтэ должны самс 40 заочникт техникумов консультацияс, састь жо весемезь ансяк 6 ломанть. Аволь весе учительтне таргазь заочной тонавтне-маскак. Теке марто эшо эряви меремс, што пек ламо учительтне ды од специалистнэ лангс ваномс аволь культурнойт. „Сон лангс ваномскак мик истямо, што меньшегак предложения эйсэнь арась. Те кодамо бути лохматой, кувака черь, щетинной церыне, но аволь организациянь ветица“ (Косарев). Истямо лохматойкс, алак судрязекс, рудазовкс можна ловомс 3-Полянень Тимофеевской школань учителень-как Конков ялганть, Тархан-Потеминской школань заведующеемь, комсомолецэнтэ Сивовонь, кона яки алсе, рудазов панарсо, кизна валенкасо, алак нара, рудазов. Квартираст, кода васеньценть, истя жо омбоценть, рудазовт, вешаст кода понгсь ертнезь, кодамояк порядка арась.

Весе вере евтазь фактнэ характернойт аволь ансяк Zubovo-Полянск районотнень, истя жо, эли малав истя ашти од учительтне марто тевесь лия районтнэвак.

Сех ламо райкомтнэ од учительтнень кармавнить роботамо пропагандистэкс ды руководителекс комсомолонь политшколатнесэ ды кружоктнэсэ партиянь историянь тонавтнеманзо коряс, но эсть организова неть учительтнень подитоб-разованиянь школаткак: партиянь историянь, Марксонь, Энгельсэнь, Ленинэнь, Сталинэнь произведенияст тонавтнемань коряс кружокт. Райкомтнэ истя жо эсть мелявто сень кисэяк, штобу эрва од учителенть ды специалистэнтэ улевель эсинзэ (коть аволь пек покш), библиотеказо, ловноволь газетат ды художественной литература.

Вейкеяк районсо те шкас эщо эзизь пурнакшно од учительтнень сень кис, штобу проработать шко-ладо СССР-энь СНК-нтэ ды ВКП(б)-нь ЦК-анть решенияст, эсть тейне лекцияткак, докладкак интересной тема лангс. Нирькинесть меремс, од учительтнень ды специалистнэнь ютксо роботась кадозь самотекс.

Эряви серьезнойстэ кундамс од учительтнень ды специалистнэнь ютксо роботанть. Воспитать эйстэст массатнень ды эйкакштнэнь культурной руководителть.

## Теемс од ломаньтнень единой фронт войнанть каршо

КИМ-енть предложениянзо

Од ломанень Социалистической Интернационалонь секретариатонтень<sup>1)</sup>

Сень кувалт, што Абиссиниясо ушодовсь война ды пек кассь весе масторлангсонть мирэнь угрозась, КИМ-ень весемасторлангонь VI-це конгрессэсь мерсь конгрессэнь президиумонтень евтамс од ломанень Социалистической интернационалонтень истямо предложения;

Кавонесг Интернационалтнэ шкань алак ютавтне кармить тееме эр-вик мероприяйт, штобу масторлангонь все пролетариатонтъ марто

ве лув од ломаньтнень массовой борозямонь ютавтозь путомс пе Абиссиниясо войнанть ды ван-стамс мирэсь лия мастортнэсэ.

Минь кармавтнано Раймон Гюйо ялганть (Франция), Массим ялганть (Англия), Мирко Крейзель ялганть (Чехословакия) шкань алак ютавтне кармамс мартонк кортнеме. Минек делегациясь анок вастомс тынк делегациянь марто тосо, ко-со тынь мердядо ды се шкастонть, конань тынь тешкстасынк.

КИМ-ень Весемасторлангонь VI-це конгрессэнь президиумонтъ пельде МИХАЛЬ ВОЛЬФ.

КИМ-ень президиумонтень, КИМ-ень  
Весемасторлангонь VI-це конгрессэнтень,  
Михаль Вольф, Москов

Телеграмманыть получинек. Минь  
тынк предложениянтень макссынек  
минек Интернационалонь руково-

дящей органтнэнь, кодак ансяк  
ули возможно.

СИМ-ень секретариатось—  
Оленгауэр.

## ОД, ПОКШ ИЗНЯВКССО ВАСТЫТЬ ОКТАБРЬСКОЙ ПРАЗДНИКЕНТЬ

Советэнь Союзонть келес моли пек виев анокстамо пролетарской революциянь 18-це годовщина-тень.

Челябинскойсэ тракторной за-водонь коллективесь макссь обя-зательствэ Октябрынь 18-це годов-щинантень нолдамс 17.100 тракторт (иенть ушоловомстонзо саезь). Анокстыть нолдамс террорхромовой заводонь васенце очереденть—3 пек виев электроплавильной каш-томт. Сынст монтажось прядозь. Цинковой заводсонть прядыть элек-тролитной цехень омбоце очере-денть—150 электролитной ваннат. Станкостройсэ анокстыть нолдамс кузнечно-прессовой ды паросило-вой цехтнэнь.

Праздникенть само шкантень панжовить зярыя од школат, клубт, оборонань кудот.

Донбассо максыть эксплуата-цияс 100 тышат квадратной метрат од эрямо таркат. Луганскойсэ теить оборонань кудо. Ташкентэнь

текстильной комбинатсонть празд-никень само шкастонть улить мак-созь эксплуатацияс 5 покш кудот, больницянь 3 этажной здания, лоенно-прачечной комбинат, эйкак-шонь яслят ды гараж.

Винницкой областэсь Октябрынь годовщинантень анокстамонь шка-стонть зярыя башка эриця труди-цят совить колхозов. Меельсь чит-нестэ положской районсонть кол-хозс примазь 689 од хозяйстват. Мурованов—Куриловецкой ды Джу-линской районтнэ Октябрынь тор-жестватнень вастсызь коллективи-зациянь прядомасонзо. Весе обла-стенть келес меельсь ковстонть колхозс совасть 12 тыщадо ламо башка эриця хозяйстват.

Сызрань маласо Октябрынь 18-це годовщинань читнестэ ули панжозь Куйбышевень крайсэнь колхозной од ломанень васеньце санатория 100 ломаньс. Санаториясь карми роботамо иень перть.

## Кемень иесэ герой

Тимофеев Васянь 10 иеть. Сон робочеень цера. Эри калачинской районсо, Омской областэсь.

Аволь умок, Омской чугунной ки-лангсо Лагунок-Каратканск пере-гонстонть, нессь синьдезь рельса. Вася тень кувалт куроксто евтась дорожной мастертнэнь ды рель-сась ульнесь полавтозь. Поездэсь меньстязь крушениядонть.

Тимофеев Вася вана уш вейксэ-

цеде нем синьдезь рельса. Круше-ниятнеде меньстямонтъ кисэ сон ютась иесэ ульнесь премировазь костюмсо ды патефонсо.

Ней Омскоень чугунной кинь по-литотделэсь Васянь макссь пре-миякс фотоаппарат. Вишка героенть приветствовизь робочейтне, комсо-молецтнэ, пионертнэ ды школь-никтнэ.



# ПАЧТЯМС ГАЗЕТАНТЬ ЛОВНЫЦЯТНЕНЕНЬ

## Кастомс комсомольской газетнэнь тиражост

ВЛКСМ нь обкомонь меельсь пленумось эсинэзэ решениясонзо сермидызе кастомс комсомольской газетнэнь тиражост: „Волжской комсомолецнэнь“—5000 экземплярс, „Ленинэнь кияванть“ ды „комсомолонь вайгеленть“—4000 экземплярс эрванть ды теке жо решениясонть пленумось кармавтсь обкомонь бюронть, райкомтнэнь ды первичной организациятнэнь тень топавтомо

Шкась пленумдонть мейле ютась кавто ковдо ламо. Кода жо ашти тевссь тиражтнэнь кастомонть коряс решениянть топавтомасо? Беряньстэ. ВЛКСМ-нь обкомонь бюрось сентябрьнэ 23-це чистэ „Ленинэнь киява ды „Комсомолонь вайгаль“ газетатнэнь распространениядо решениясонть тешкстызе, што „Обкомонь пленумонть решениязо газетнэнь тиражост-4000 экземплярс пачтамадо атак топавто. Кастоманть таркас тиражтнэ эрва ковнэ яла седеяк алкалгада. Бути июненъ васеньце чинть самс „Ленинэнь кияванть“ тиражозо ульнесь 2400 экземплярт, то июль—сентябрь ковтнэнь тиражозь среднейстэ ульнесь весемезе ансяк 1800 экземплярт. Истямо жо тевесь „Комсомолонь вайгаль“ (мокшонь) газетанть мартояк.

Газетатнэнь тиражост систематически а топавтови ды алкалгада секс, што жарыя райкомт мезекскак а ловить комсомольской печатенть... Те виде ламо райкомт (Ичалкань, Тенгушевань, Ромодановань) а явить мель комсомольской печатентень. А ветить робота национальной (эрзянь, мокшень) газетатнэнь распространениясо.

Саемс октябрь ковонть. Газетатнэнь тиражост теке жо алкинетъ. Вейкиак райком, союз печатень райотделения Дубенкадо башка, „Ленинэнь кияванть“ коряс заданиянть эзизь топавто Ардаговань райкомось 600 экземплярт „Ленинэнь киява“ заданиянть топавтызе 247 экземплярс; Атяшевонь райкомось 500 экземплярто распространил 171 экземплярт, Ичалка 450 заданиянть топавтызе ансяк ветеце частенть, распространил 90 экземплярт. Тенгушевань ды Ромодановань райкомтнэ вейкиак экземплярт не распространили. Нетъ фактнэ кортыть эсь, кисэст, кортыть райкомтнэнь бездеятельностест коряс. А стяко обкомось эсинэзэ решениясонзо сермады, што „жарыя райкомт мезекскак а ловить комсомольской печатенть“.

Райкомтнэ распространениянть тевсэнтъ а лездыть союз печатень райотделтнэненъ. Связьсо-почтасс роботыця ударникенъ республиканской слетсо, конась ульнесь не читнестэ Рузаевкас, ламо ульнесь пеняцямот тень кувалт, што райкомтнэ (Ичалкань, Тенгушевань), а лездыть.

Печатень распространениянть тевесъ аволь ансяк райкомтнэнь комсомолетнэнь. Сон васняткеяк союз печатенть. Распространениянть ды сермадстыцянтень газетанть шкастонзо пачтамось союз печатенть васень обязанностезэ. Эряви меремс, што союз печатень райотделтнэ те учаскасонтъ истяжо беряньстэ роботыть. Комсомольской печатень распространениянть кадыть меельсь планс. Ударникенъ слетсонть Бурко ялганть докладонзо коряс прениятнэсэ вейкиак ялга почти эзь коряс комсомольской печатенть. Соньскак Бурко ялгась вейкиак вал эзь ева комсомольской печатенть распространениядо. Те эщо неяви тестэ, што союз печатень республиканской отделэнь

заведующеесь Алайкин ялгась тиражтнэнь ковонзонзо кастомодо обкомонь бюронть максовт обещааниянзо эзсе топавто.

Од ломантнэнь касы культурной потребностест, бажить сын ловномо газетат, журналт. Но те сынст бажамось седейстэ капнови беспомощнойкс. Эли а содыть кодат ды косто сермадстомс, эли сермадстостнэнь овси а получахшныть. Эряви од ломантнэненъ лездамс, штобу эрвась получаволь ды ловноволь газетат. Тесэ васень лездыцякс должен улемс комсомолось ды сермань кантлицятне.

Еделькин.

## Райкомось мезьтэ а тейни

— 450 экземплярт „Ленинэнь кияванть“ лангс заданиянть минек райононтень реальной. Алкукс комсомолетнэне районсонть аволь ламо, но ламо эрзянь од ломаньтнеде, конатнэнь ютксо можна успешнасто распространить те контрольной цифранть—истя кортась минек кореспондентнэнь союзпечатень Ичалкань райотделэнь заведующеесь Ивлев.

Интересной Ивлевень являвтомасо сестэ, зардо октябрьской 450 экземплярт заданиянть топавтызе 90 экземплярс. Кода истя, мейсэ жо ашти тевесъ, мекс ичалковецтнэ эзизь топавто „Ленинэнь кияванть“ лангс октябрьской заданиянть? Арасть кодаткак лият тувалт. Эзизь топавто ансяк секс, што эсть робота комсомольской печатенть распространениясо. ВЛКСМ-нь райкомось лоткась тень лангс, нолдтнэсь первичной организациятнева директиват ды контрольной цифрат ды весе, практически „ЛК“-нь заданиянть топавтомо сон организациятнэнь эзинэ мобилизовакшно. Союзпечатень райотделэнтень „а ютко“ ульнесь,

## Ноябрьской заданиянть как топавтсынек вельть

„Ленинэнь киява“ газетанть лангс октябрь ковонъ заданиянть Дубенкань районсь топавтызе вельть. Ульчесь максовт заданиянть 400 экземплярт лангс, тейстэ подписка 418 экземплярс.

Октябрьской заданиянть топавтомасо подпискань райорганизаторонть ламо лездась ВЛКСМ-нь райкомось, районсо первичной комсомольской организациятне.

„Республиканской радио-переключкадонть мейле, косо кеместэ ульнесь аравтозь национальной эрзянской печатенть распростра-

нениядо вопросось—корты подпискань райорганизаторось Ломшин И. Д. ялгась—мон секс жо молинь ВЛКСМ-нь райкомов лезксэнь вешеме. Райкомонь секретаресь Кротов эзь отказа тень. Омбоце жо чистэнтъ нолдась первичной организациятнева директиват ды контрольной цифрат комсомольской печатень сермадстоманть кувалт. Яанось комсомолецт те роботанть ветямо. Дубенкас, рай-центрасонтъ подпискань распространениянть тевентень ульнесь явось Биушкин комсомолецсь, конась сермань кантлицятнэ Бояркинэнь марто вербавать подписчикт, якасть учреждениятнева, организациятнева. Щеглов, Чиндяновань первичной организациянть комсоргось, эсь велесэнэзэ подпискань заданиянть топавтызе 200 проц. Истя жо активнасто роботастъ ды роботыть подписканть распространениясонть лия велень комсомолетнэяк. Ноябрь ковонъ заданиянть истя жо арситяно топавтсынек вельть, нейке уш ули теезь подписка 50 экземплярс.

Еде.

А—н. Е—н.

## Эрзянь газетатнэнь мезекскак а путыть

Саранскоень пединститутось а сермадстне эрзянь газетас. Комсомолонь комитетэсь аволь ансяк а веги аволь союзной студентнэ ютксо робота эрзянь газетань лангс сермадстома, но мик сынсь комсомолетнэ а сермадстыть эрзянь газета.

Весемезэ комсомолетнэ ютксто „Ленинэнь киява“ газетанть лангс сермадстыть кавто-кольмо комсомолецт. Молить виев кортнемат студентнэнь ды комсомолетнэнь ют-

ксо, што эрзянь газетнэстэ а мезе ловномс, эряви сермадомс рузонь газета лангс.

Тестэ уш пек парсте неяви, кода беряньстэ ашти аравтозь эрзянь (родной) келенть тонавтомась. Кияк а мери, штобу иляст сермале рузонь газетас. Сермадсто до козонь ули молени. Ансяк игнорировать эрзянь газетатнэнь кияк а макссынзе.

Виев штурма

## Школатнева

### Пионеркань серма

## Тонавтыть эйсэнек парсте

Мон тонавтия Чамзинкань средней школань 7-це „А“ классо. Арсян евамс жароак валт эсинек школадонть. Школанок од, кавто этажсо, строизь те иестэнтъ. Ней жарс мезе анок эщо васеньце эгажось ды тонавтияно кавто сменасо Курок карми улем анок омбоце этажоскак. Школась покш, паро. Минек тонавтиянть кис пек парсте мелявты директорось С. А. Бобров. Сон парсте аравтызе весе учебной роботанть.

Эйсэнек тонавтыть 15 учительт. Ды весе сын тейть истя, штобу минь седе ламо знаниянть получавлинек. Эрва теманть евтнесызь парсте, чаркодевискстэ. Лездыть эрва тонавтиянть, штобу сон аволь кадово удалов. Весе преподавательтне высшей образования марто. Парсте анокстыть уроктнэнь.

Миньскак, тонавтиянть, боро-

цятачо сень кис, штобу седе ламо получамс знаниянть, саемс преподавательтне пельде весе сень мезе сын должны тенек максом. Тонавтиянть коряс сех икеле молить пионертнэ, сын лездыть лия ялгатнэненъ. Пионертнэ невить паро дисциплинань пример.

Тонавтияно парсте. Ды те сех пек кармась неявомо школадо партиянть ды правительстванть решениядо мейле. Минь нейдяно, кода кисэнек мелявты советэнь властэсь ды Сталин ялгась. Сын тенек максстэ весе сень, мезе эряви парсте тонавтиянть кис. Тень чаркодизь весе тонавтиянть. Минек школань эрвастась бороци сень кис штобу тонавтиянть ансяк парсте ды отличностэ. Те ули васень ответэкс минек кис партиянть ды правительстванть мелявтомас лангс.

М. Мерлушкина

## Весе отличнойстэ

Березникенъ полной средней школасонть колмоце „В“ классось—сех икеле молиня.

Весе эйкакштнэ уроконь шкасто а колныть, а пижнить. Заданиянть тейть шкасто ды парсте. Бути кевксысь—отвечить чаркодевискстэ, апак пеле. Весе тонавтиянть

ятнеде классонть 40. Сын бороцить отличностэ тонавтиянть кис. Ды тень коряс тейстэ уш покш успех.

Аволь пек умок тейстэ математикань коряс контрольной робота. 39 тонавтиянть те роботанть теизь отличностэ, вейкесь парсте.

## Салава теезь договор

Покш Березникенъ р—н. Гузымень аволь полной средней школань дирекциясь ды учебной частэсь тейстэ договорседе, што сюлмавить соцпелысгамос Эрзянь Найман велень аволь полной средней школанть марто. Завучось Сивопалов сермадызе договоронть ды кучизе.

Те договоронть тонавтиянть эйстэ кияк а соды. Мезь сермадысь Сивопалов, кодамо обязательства тосо саезь, мезень кис тонавтиянть кармить бороцямо—кияк а соды. А мезь кортамс седе, што бути договоронть кортавтолизь тонавтиянть марто, то сын теевельт эйзизь витеакст, максавольт конкретной предложения. Те натъ Гузымень школанть ветицятнэненъ эзь эрв. Кода жо сын топавтысь те договоронть, бути сонэзэ кияк а содасы тонавтиянть эйстэ.

К.

## 615 тыщат целковойть

РСФСР-энь Народной комиссаронь советэсь тейсь постановления нолдамс Куйбышевской Крайисполкомонтень 1935 иестэнтэ начальной ды средней школатнэненъ расходонь кис доплатительно 615 тыщат целковойть.



## Юнкоронь сермат

### Икеле КОМСОМОЛЕЦТНЭ

Октябрень васень чистэ, товарной поезднэ движениась кармась улема од графикень коряс. Од графикесь теэз ды ловозь сень кис, штобу кастомс вагонтиэнь роботаст, топавтомс сталинской планонть—грузамс сутказонзо 80000 вагонт.

Од графикень лисимадо мейле Рузаевкань депонь комсомолецтнэ, машинистнэ кеместэ кундасть сонзэ топавтомо.

Октябрьской революциянь 18-це годовщиантень депонь машинистнэ-комсомолецтнэ эсь ютковаст организовасть соцпелкстамо. Сайсть обязательства: паровозтнэнь улеза технической скоростест 45 километрат часозонзо, аноктамс паровозтнэнь телень шкантень истя, штобу авольте уле межпоездной ремонтт, аноктамс эсь помощниктнэнь машинистэкс.

Башка комсомолецтнэ эсь работасот добувасть вадрат результат, технической скоростенть коряс депосонтэ саизь васень тарканть.

Букин А. ялгась 4285 № паровозонтэ теись технической скоростью 45-5 километрат часозонзо.

Чекунов ялгась 6026 паровозонтэ ютась 43 километрат часозонзо, Богомудров ялгась 41 километрат. Шмелев ды Ларин 34 километрат.

Мельников, Тяжелков, Аршинов, Калашников машинистнэ истя жо свал вельть топавтнесызь технической скоростенть.

Поездтнэ, конань ветить комсомолецтнэ, а поздаякшныть ды а эрить эйсэст аварият.

Дм. Бакулин.

### „Ужо, тельня месть улить“

Чамзинкань МТС-энь комсомолонь комитетсэнтэ 21 члент. Эйсэст кияк а канды кодамоак нагрузка. Политтонавтнема арась. Секретаресь Надькин кортни: „Неймень политтонавтнема тенк. Ужо, телесы, сестэ месть улить, паряк мезеяк теядно“.

Надькин колы ВЛКСМ-ень ЦК-знтэ постановлениянзо седе, што политтонавтнема илязо уле сезоннойкс, сон эриви ветямс иень перть. Тень кувалт натэ Чамзинкань райкомолоськак мезеяк а тейни, Сон бульчом овси а соды, кода моли работась ды политтонавтнема первичной организациятнесэ ды комитетнэсэ. Сон местькак арси штоли политтонавтнемадонть.

И. Бояркин.

### Мезе ванить КОМСОМОЛЕЦТНЭ

Б. Березникень р-н. Гузынэ призывниктнэнь ютксо арась культ массовой работа. Тесэ призывесы юты ташто ладсо. Ламо призывникт кирдит ташто традициянь. Армияв туемадо икеле симнить винадо, иредьстэ якить ульцява.

Гузынэ ули комсомольской организация (комсоргось Балыков). Но комсомолецтнэ призывниктнэнь ютксо а роботыть, а бороить рекрутчинанть каршо.

КСМ.

# СЫРЬНЕНЬ КЕДЬТЬ

(ОЧЕРК)

Лугатне тужалгадсть. Чувтнэнь лопасть прасть. Читне жо цар манейть. Истямю уш тесэ погодась. Кизэнтэ пиземе, сексэнтэ пси натой модаськак лазновсь.

Ютынть компрессной станциянь вакса, молян аэродромов. Вана аэродромось. Кавто рядсо аштить самолетнэ. Ве песэнтэ покшт, омбоцесэнтэ седе вишкинеть. Мельс паросо якань ютковаст. Якан ды ваннан. Неть машинатнэнь теизь эсинек робочейть, советской заводсо, советской материалсто. Ливтнить эйсэст сеть, кинь тетяст аваст роботыть заводсо ды колхозонь паксясо.

Машинатне прок сырнеть цильдердыть чинть каршо. Сынь весе вейкедть. Ансяк вейкесэнтэ ве мотор, омбоцесэнтэ седе ламо, вейкесь карксазь якстере каркссо, омбоцесь тужасо, колмоцесь сэнсэ. Неть карксэнь коряс содавить, конась кодамо отрядонь. Перькаст роботыть ломанть: конат самолетнэнь лангсо, конат урядыть мотортнэнь. Эрвейкенень ули тев.

Вана машинанть лангсо, комбинзонсо, ожань илештызь роботы сэрей од цера. Сон уряды моторонть эйсэ Елмаясто меньшеви рунгозо, неяви што физкультурник. Превтне ды кедьтне роботыть ве шкасто.

Кие ульнесь сон вете иеде икеле? Колхозникень церз. Армияв сась Восточно-Сибирской крайстэ. Армияв самозонзо самолет эзь некснэ. Васень читнэнь седесть, сельмень сядозь ваниль, кода ливтнить самолетнэ. „Эх, кабы ливтнемс!“—арьсесь сон.

Организовасть мотористэнь школа. Сон прыдызе те школанть. Кавто иеть ульнесь мотористэкс. Мейле прыдызе летчикень школанть. Якан аэродромганть, вешнян бригадань командирэнтэ. Эрва машинанть вакс лотксян, ванан, кода роботыть. Плавна тевень содазь якить кедест.

Вана сырнень кедьтне! Ламонь цильдердыть грудьсэст сырнестэ теэвть Якстере знамянь ды Ленинэнь ордентэ. Ламо эйсэст гражданской войнань геройт!

\*\*\*

Вана штабось. Штабось кавто, этажсо. Прысонзо раужо койма марто ашо шар. Те шарось невити, кона эндо пуви вармась.

Совинь штабс. Аштян калидорсо. Витния шинелем, картузом. Стукадия кенкшэнтэ.

— Можно,—отвечась кенкшэнтэ тона бокасто Совинь.

— Здравствуй товарищ командир бригады!.. Разрешите с вами побеседовать?—меринь мон.

— Пожалуйста, пожалуйста—отвечась чевтстэ,—давайте сядьтне по ближе. Вот стулик...

Озынь. Каинь сельмень кудованть Комнатанть потмозо просторной: аравтнезь кемешка стулт, стенатнэнь эйсэ Ленин, Сталин, Ворошилов ды военной карта. Столенть лангсо графин, стопка. Икелензэ кинишка лангсо, аштить кедьсэ кантлема част.

— Курок карматано праздновать Октябрьской революциянь годовщиантэ,—карминь мартонзо кортамо рузкс,—кода тонь койсэ эриви сермадомс? Киде?

— Минек частэсь сермадомс ули киде. Ванат вана,—саинзе кедезэнзэ частнэнь,—не частнэ сехте вадрят, мозерскойть. Нетнэнь эйсэ казья снайперной подразделениянь командирэнтэ Мельников лейтенантонть. Мельниковонь кедензэ, неть сырнень кедьтэ. Сон ютась покш ды стака ки.

Ки ульнесь Мельников? Армияв сась якшамо таркань ошсто,—Игоркасто. Те ошсонть теэвсь робочейкс. Седе икеле ульнесь воркс, преступникекс.



Аволь? Весть савсь тень кортнемс Мельников марто. Ютась эрамонзо ледстни а мельсэ. Сон ульнесь яма потмакссо...

\*\*\*

...1924 ие. Сексь. Моли вачкодькс пиземе. Тарькс. Петропавловск станция. Пассажиракой поездэсь лоткась станциянь икелей васеньце кинь лангс. Вана вагоносэ. Вагононть ало кискань ящик. Тейтов мекей васов чийнестэ посажиртнэ. Киненьгак арась тев сень, што тосо, вагононть ало, кискань ящиксэнтэ дрожить вишка пакшинет. Вейс-вейс вачковейть пеест. Сынесть а неавить не ломантнэнь лиыаст. Сынь неить ансяк пилькть ды пилькть. Кода бу ярсамс? Сынь уш зярдыя ардыть апак ярса. „Киньгак арась тезэ тев, сынь сынсь пешксет. Эх, тумонь седейть! А мезе ули, бути лисемс ды кевктемс киш?—истят мелть муцясть Петянь эйсэ. Сонсь как эзь хватя, кода панжизе кенкшкенть ды ливтизе прынзо.

— Ты здеся крепыш?—каподизе Петянь прыдо,—айда выходи, выходи,—уски эйсэнзэ кондукторось. Кенерьсть лисеме, вачкодизь баяганть. сырғась поездэсь. Кадовсть чаво станцияс, пиземе алов. Снартнестэ совамс станцияс эзизь нолда. Ков молить, косо, эждьсызь ловажа пакаресть? Эх, ломанть, ломанть. Натэ овси арась седей марявтонк.

Кепедизь сьовордань кедест, сускизь пеест, авардезь, кроязь молюсь сынськак эсть сода ков. Кирмицязь пиземе алга молюсь Петропавловск ошонь ульцятнева. Ульцятне чопудат.

— Петя,—мерсь ялгазо,—онот, тов—невтьс кардазонть енов. Ушонь а куш а каш. Ансяк пиземень чудема трубатнева чольсэ чудесь ведесь. Соваст кардазонть, ютасть кудыкельксэнтэ перька. Кудыкельксэсь лазонь. Лутызь вейке лазонть.

— Аля, эшек,—кармавтызе Петянь ялгазо. Соваст кудос вачкасть берюмазост одижат ансяк лисеме, цоп кундынзе озорось. Ветинзе милицияс. Васня азавтызь поездс, мейле пороходс ды ускизь якшамо Игаркав.

Чувт, чувт, пеяк арась. Ансяк ушодо вьс работась. Строить робочейнэнь эрямо таркат, клубт, театра, кино. Истямосто вастызь сехте северной ошонть. Тесэ сынст трудовой лагерест.

Ламоксть Петя арьсесь оргодеме. Ашти казармасо, кровать лангсо

мадезь, соваст лагерень начальникесь Степанов. Сайсь стул, озась малазонзо. Корты мартонзо чевтьстэ, прок ялга марто.

— Кода андыть эйсэнь, парсте а парсте эрятадо,—кевкстнесь Степанов,—мезе тенк а саты...

Петя кежейстэ ванны лангозонзо. Кувать кортась Степанов. Ков аштесь Петя лиякстомсь, кода бути чевтемгадсь седеезэ.

— Петя, сак ванды монець, а?—туемстэ мерсь Степанов,—вейсэ молядно кино.

— Молян, молян,—пеедэзь от-вечась Петя.

Ютась чись. Шкась вете част. Степанов мекей васов яки кудованть, то варшты ве вальмась, то омбоцес. „Бути а сы, оргоди?“—арьсесь Степанов,—„арась, сы, а оргоди“—лапсэсь эсь прынзо эйсэ.

Ютасть кото част. Мельников яла арась. Каподизе картузонзо, каизе ланганзо пальтанзо ансяк панжомс кенкшэнтэ, кижнэзь соваст Петя. Радувась Степанов.

Эзь фатяк, кода Петя лоткась оргодемадо арсемадо.

Ушодость электрикень курст, сонзо примизь тонавтнеме. Прядовсь школась, кармась роботамо. Кастась ошось, ошонть марто кассь сонськак.

Армияв саемадо мейле, Мельниковонь кучизь авиомастерскойс. Васень чистэ жо прынек пильгенек соваст роботас. Валскенек, чокшнэнек мастерскойсэ.

Ульнесь истят тевтькак. Чокшне. Икелень лейтенантось Блонштейн ужины. Соваст Мельников.

— Командир ялгай,—нолдамак мастерскоев, стувтыя шинелем?

Командирэсь нолдызе... Чополгадсь. Проверкась ютась. Чавсь сигнал уш мадеме. Мельников яла арась. Чокшнэнтэ перть эзь са. Валскентэ стясть, арась.

— Маштызь самсто,—мелявтозь кармась арьсеме Блонштейн.—Таркась васоло, колмо километрат, эыргась чопудава ды хлопадизь...

Вешнеманзо кучсь кавто якстере-арме.шт. Панжизь мастерскоев кенкшэнтэ, вансызь Мельников копсы моторонть перька. Иляк лоткавто, чинек-венек а кадсы роботанзо.

Сень кисэ, куломазонзо а вечкиль ловномо политической ды художественной литература. Аволь аламоксть орголесь политзанятиясто. Ламо савсь тень коряс роботама мартонзо.

Роботась стьяко эзь ема. Мельников велявтьс сехте вадря якстере-армеецэкс рационализаторкс.

Ульнесь истямю тев: авиомастерскоев контрольный отделэсь, а маштовикэкс ловсь кавто самолетонь валт. Мельников ваннызе ды мерсь!

— Снартан теемаст!

Неть кавто а маштовикс валтнэ, Мельниковонь сырнень кедьтнэнь трокс арась стройс.

\*\*\*

Истямю киява ютась Мельников лейтенантось. Ней сон ашти сехте вадря подразделениянь командиркс.

— Омбоце, конань лангс бу неветлинь,—мерсь бригадань командирэсь—Горбунов ялгась,—те Мельниковонь боецэзэ Камиль.

Мельников—те, сырне! Лангс ваномс берякшке, алкинъгине, сонзо валозо—эждьсызь телат, кирвазтьсызь седееть.

Мельниковонь подразделениясо арась вейкеяк, удалов кадовия Весе боецензэ снайперт. Сон сон в вадря физкультурник, вадря парашютист. Истямокс тонавты якстере-армеецтнэньгак.

Ник. Филиппов.



## Итало-Абиссинской войнаны фронтнэсэ

Итало Абиссинской войнаны се-  
верной фронтонь (Италиянь ко-  
лониянь—Эритрей эндо) италя-  
нецтнэ яла ветить кемекстамонь  
робота занязь позициятнэсэ, малав  
таргить обостнэнь, анокстыть до-  
бавочной снаряжения, теить кить.  
Абиссинской отряднэ теить укреп-  
ления панатнэсэ. Седейсэ теи-  
нить лангозост налетт, снартнить  
сэме фронтонь ды совамо тылс.  
Италиянь вейке газетань купянь  
пачтамонь коряс, Асаб ошонь  
вельксэ (Италиянь Эритрейсэ  
Красной морянь чиресэ), лиякс  
меремс Италиянь васоло тылсэ  
лиятнэсэ Абиссинской самолет.  
Италянецтне результаттомо леп-  
нестэ эйсэнэ зенитной батареясо.  
Южной фронтсо (Италиянь Со-  
мали колониянь эндо), седейкс пек

Огарден провинциясо ютыть пизе-  
мать. Роботы ансяк Италиянь  
лиянь авиациясь, конась тейни  
бомбардировка населенной пункт-  
нэнь лангс. Италиянь 2 самолетт  
тейсэ посадка ды вейсэ экипа-  
жонь марто саезь пленс. Абисси-  
ниянь вийтне, конатне ветить дей-  
ствияс Юго-западсо ютмэ италя-  
янской Сомалиянь границань ды  
грозить керямс италянской насту-  
пающей армиянь кинзэ.

Абиссиниянь императорсь мерсь,  
што те а виде, што будто Абисси-  
ниянь южной фронтонь команду-  
щеентень максозь генеральной  
наступлениядо приказ. Императо-  
рсь мерсь, што вейкияк фронтсо  
а ули решительной сражения те-  
шкис, зярс Италиянецтнэ а пачко-  
дить пандтнэсэ позициятнэсэ.

## „Ярсадо седе аламо, седе ламо симеде вина“

Продовольствиянь кризисэсэ яла  
седейкс пек касы

Лия масторонь газетатне нейгак  
яла сермадыть Германиясо про-  
давольствиянь а сатомандонь.

Базарсо пек асатыть сывелы, ой,  
ловсо ды лия продуктат, истя жо  
коромт. Октябрынь 16-це чистэнь  
весе ловсонь ферматненень мерезь  
киртамс 40 процентс сливокнэ  
теемань ды микшнемань, истя,  
штобу ванстомс ловсо ды нолдамс  
сонзэ оень теемань кис

Германиясо яла седейкс пек виен-  
зы продовольственной кризи-  
сэсэ, СССР-сэ жо продуктат микш-  
нить карточкавтомо ды алкал-  
гадыть питнетне, коть неть фак-  
тнэнь тосо а невить газетатне, яла  
теке те тейсь покш впечатления  
Германиясо эрва кодамо кругонь  
эрицтне лангс. Секс Германиянь  
газетатне снартнить невимс лов-  
ныцятненень, што СССР сэ питне-  
тне касыть ды продуктатне аса-  
тыть.

Германиянь властне секе тев  
кортнить седе, што эрви седе  
аламо ярсамс ды седе пек симемс  
винадо.

## Германиясо антифашистской выступления

Франциянь компартиянь „Юма-  
ните“ газетасэ получась Берлинсэ  
сведения, што Германиясо мага-  
зинтнэсэ продуктань аразь чиденть  
ламо ошка ульнестэ антифашистс-  
кой выступления.

Берлинсэ кой-конат заводтнэсэ  
робочейтне продуктатненень аразь  
ды питней чист кувалт протестэнь  
закс являвтьсэ аволь кувать шкань  
стацкат.

Гамбургсо октябрынь 10-це чистэ  
ульнэсэ уличной демонстрация.  
Ансяк добавочной полициянь тер-  
димадо мейле удалос пансемс  
демонстрантнэнь, конатне невтсь  
эсь возмущенияс продуктатненень  
сывеленть—оень аразь чинть ды  
питненень касомань каршо.

## Абиссиниянтень Английской оружия

Каирасто пачтить куля, што Абис-  
синия Англиянь оружия марто ва-  
сен пароходось октябрынь 17-це  
чистэ валске ютызе Суэцкой кана-  
лонь. Военной груз марто омбоца  
пароходось сась Каирэв.

## Минек материалонь коряс

## Нинзэ лангсо нарьгицясь чумондозь

Октябрынь 7-це чистэнь  
ВЛКСМ ен Чамзинкань райкомонь  
бюронь заседаниясь ваннэсэ „Ле-  
нинэнь киязэ“ газетасонь сентя-  
брынь 27-це чистэнь печатазь  
„Ионов нарьги нинзэ лангсо“ за-  
меткань.

Газетань заметкасонь евазь  
фактнэ ульнестэ видеть. Райкомо-  
нэнь бюронь заседаниясь кемекс-  
тызе комсомолонь первичной ор-  
ганизациянь решениясэ Ионов  
комсомолецэнь нинзэ лангсо нарь-  
гамонь кис, алиментэнь а пандо-

манть кис, Рылов урозить чаво-  
манзо кис, винадо симемань ды  
хулиганстванть кис, панемс комсо-  
молсто.

Райкомонь бюрось энялдсь Чам-  
зинкань райононь нарсудонь ике-  
лев, штобу Ионовонь судямс пока-  
зательной судсо.

Мерезь комсомолонь весе орга-  
низациятненень проработать Ионов  
кувалт газетасо сермадозь  
материалонь ды решениянь ком-  
сомолонь промкссо.

Райкомолонь секретаресь  
ПОТЯКИН.

## Заметкадонть мейле

Сентябрынь 27-це чистэ „Лени-  
нэнь киязэ“ газетасонь ульнэсэ  
печатазь заметка Ташто Мурзань  
„Труженик“ колхозонь правлени-  
ядонть, косо ульнэсэ сермадозь  
колхозонь правлениянь аволь  
культурной чиде.

Те заметкадонть мейле Чичкин  
колхозонь председателесь примась  
мерат правлениятень культурной  
видэнь теемань коряс. Сон Саран  
ошсо рамсесь вождень портрет,  
плакат, конатненень педявтизнь пра-  
влениянь кудонть стенатнева.

Помещениянтень тейневтьсэ ком-  
нотат, башка бухгалтерской, сче-  
тодтнэсэ. Стольтнэнь ланга рам-  
сесь столешникть.

Балакшин.

## Виензамс роботанть

Чамзинкань районсо, Мокша-  
лей велень первичной комсомо-  
лонь организациясь, а роботы. Ком-  
соргось Девяткин М. ловнома ку-  
донть пекстызе панжумас ды паро.

Од ломантненень ютксо ламо а со-  
дыть сермас. Комсомолонь органи-  
зациясь а организови ликбез ды ком-  
сомолецтнэ сынськак а тонавтинь.

Коминтернань VII конгрессэнь  
ды КИМ-нь VI конгрессэнь матери-  
алтнэнь а тонавтинь. Истяжо  
арась организовазь политзанятия  
ды ВКП(б)-нь историянь а тонав-  
тыть.

Райкомонтень савилездамс Мок-  
шалеень организациянтень ды  
виензамс роботанть.

Комсомолец.

## Кавто ломанть вейке парашютсо

Н-ской частень аэродромсонть  
парашютсо меельсэ кирнявтне-  
магнестэ ульнэсэ истямо тев.

Пилотонть командованиянзо ко-  
ряс Осадчий ялгась кирнявсь са-  
молетсонть. Эзь кенере сон ноц-  
кадемс эсинзэ парашютонь коль-  
цянь, кода марась виев эшкевема  
сонзэ пранзо ды рунгонзо тапар-  
дызе лия кирнявтыцань парашют.  
Осадчий эзь талакадо, сон кеместэ  
ночкадизе кольцянь, ды зярдс  
сонзэ парашютонть куполось ке-  
лемсь сон фатась, што вельксэнзэ  
ашти Оганесов мотористэсь.

Масторкосо ульнэсэ эщо ва-

соло, ды Осадчий снартнэсэ мен-  
стемс Оганесовонь. Но мезеяк эзь  
лисе.

Кавонест ломаньтне яла валгсь  
вейке парашютсо. Оганесов мерсь  
келемтемс запасной парашют. Но  
Осадчий истя эзь тее, секс, што  
масторось ней ульнэсэ истя пек  
маласо, што те мероприятиянь  
меньгак леззэзэ арасель

Истя кавонест парашютистнэ  
валгсь вейке парашютсо. А тан-  
дадоманть ды выдержканть кис  
частень командирэсь Осадчийненъ  
евтась благодарность.

(„Красная звезда“)

## Пензасо эйкакшонь дворец

Пензань эйкакштнэнь карми ули-  
ме эсид дворецэс. ВКП(б)-нь ошонь  
комитетэсь Дворецэнь панжомань  
коряс тейсь уш решения. Дворецэкс

максыть центральной ульцясто покш  
кавто этажсо здания. Эйсэнзэ карми  
улиме юной зрительнэ театра, эй-  
какшонь технической станция, эй-  
какшонь художественной воспита-  
ниянь кудо.

Эйкакшонь Дворецэнь панчсысь  
Октябрынь 18-це годовщиянтень.

## Пионерской новостть Почти алкуксонь автомобиль

Теремска велесэ (Павловской р-н,  
Горьковской край) Вася ды Федя  
Пачуринтнэ „Пионерская правда“  
газетань кучовт чертежонзо коряс  
тейсэ педальной автомобиль. Ав-  
томобилесь лиссь вадря. Паксясо  
сюронь урядомо шкасто Вася мар-  
то Федя лездасть колхозонтень  
сюронь ускемасо. Эрва якамсто  
сынэ эсид педальной автомобиль-  
сэнь усксестэ кавтонь-кавтонь ме-  
шокт розть.

(„Горьковская коммуна“)

Ответ. редакторсь М. ЛЮПАЕВ.

## ТОНАВТНЕМАНЬ 1936 ИЕСТЭ ВКСХШ-сэ КОМСОМОЛЬСКОЙ ОТДЕЛЕНИЯС ПРИМАМОНЬ ПРАВИЛАТ

1. ВКСХШ-сэ комсомольской отделениятненень задачасэ—анокстамс  
велесэ роботамо комсомольской руководящей роботник.
2. ВКСХШ-сэ комсомольской отделениятнес примавить робо-  
чейть ды колхозникт 3 иетъ а седе аламо ВЛКСМ-нь стаж марто,  
25 иетъ, а седе ламо возрастср, конатненень семилеткань общеобразо-  
вательной подготовкаст.
3. Комсомольской отделениянь комплектованиянь ютавтсызь  
крайкомтнэ, обкомтнэ, нацреспубликань КСМ-нь ЦК-тне, примамс  
ошонь ды велень райкомонь отделэнь заведующейть, инструкторт,  
комитетэнь секретарт, колхозонь, совхозонь ды ВЛКСМ-нь ошонь  
первичной организациянь организаторт, ды комсомолонь активной  
роботникт.
4. Комсомольской отделения комплектованиянь шкастонть явомс  
башка мель тейтерень примамонтень.
5. Весе ялгатне, конатне прядсызь ВКСХШ-сэ комсомольской  
отделениянь, кучовить роботамо, прок правила, неть организацият-  
нес, косто сын са сть тонавтнеме.
6. ВКСХШ-сэ комсомольской отделениятнес а примамс:  
а) 1936 иестэ РККА-нь рядтвэс призывс молицятнэнь;  
б) заразной ды климической формасо неврастениянь болезнасэ  
сэредицятнэнь;  
в) конатненень арась комсомольской роботань опытэс.
7. ВКСХШ-сэ комсомольской отделениясо слушательтненень  
максови общежития, стипендия 250 целковойть ковонть. Комсомоль-  
ской отделенияс дримазятнэнь семиятненень ВКСХШ-нтэ пельде  
общежития а максови.
8. ВКСХШ-сэ комсомольской отделения тонавтнеме сыцятнэнь  
пельде эривить истят документт:  
а) командировочной удостоверения комсомольской комитетэнь  
эли совхозонь политотделэнь пельде;  
б) ВЛКСМ-нь райкомонть эли совхозонь политотделэнь пельде  
заверенной анкета;  
в) удостоверения воинской службав отношениядо;  
г) справка шумбра-чиде.
9. Весе ялгатне, конатненень ули мелест тонавтнеме / комсомоль-  
ской отделениясо ды отвечать примамонь правилань требовани-  
янтень—должны кучомс документт, декабрынь васень чис а седе  
позда. Приемочной испытаниятне ушодовить декабрынь 15-це чистэ  
1935 иестэ. Занятияне комсомольской отделениясонть ушодовить  
январень 1 чистэ 1936 иестэ.

ВКСХШ-нтэ адресэзэ: Саранск Советская. улица, ВКСХШ

ВЛКСМ-нь обкомонь секретаресь Родионова.

М.ВКСХШ-нь ректорсь Гребенцов.

Саранск, типография „Красный Октябрь“ Мордгиз.

Главлит № 1607. Заказ № 3069. Тираж 2437.